

SULIT  
Bahasa  
Melayu  
Kertas 1  
November  
2023  
2 jam

1103/1



MAKTAB RENDAH SAINS MARA

PEPERIKSAAN AKHIR SIJIL PENDIDIKAN MRSM 2023

BAHASA MELAYU

Kertas 1

Dua jam

JANGAN BUKA KERTAS PEPERIKSAAN INI SEHINGGA DIBERITAHU

1. *Kertas peperiksaan ini mengandungi dua bahagian: Bahagian A dan Bahagian B.*
2. *Jawab soalan Bahagian A dan satu soalan daripada Bahagian B.*
3. *Jawapan anda hendaklah ditulis di dalam buku jawapan yang disediakan. Sekiranya ruang jawapan tidak cukup, sila dapatkan helaian tambahan daripada pengawas peperiksaan.*

Kertas peperiksaan ini mengandungi 4 halaman bercetak.

[Lihat halaman sebelah

**Bahagian A**

[30 markah]



*Soalan ini mesti dijawab.**Petikan dan grafik di bawah menunjukkan maklumat berkaitan pelancongan domestik.**Berdasarkan maklumat tersebut, tulis sepucuk surat kepada rakan anda untuk menceritakan **pelancongan domestik di Malaysia**.**Panjangnya surat anda hendaklah antara 150 hingga 200 patah perkataan.***Pelancongan Domestik**

Masyarakat hari ini boleh membuat pilihan sama ada melancong di dalam negara mahupun di luar negara. Pilihan yang paling bijak adalah dengan melancong di dalam negara bagi mengelakkan mereka berhadapan dengan cabaran ekonomi global yang akan membataskan aktiviti pelancongan mereka. Oleh hal yang demikian, Kementerian Pelancongan, Seni dan Budaya (MOTAC) melalui Tourism Malaysia melancarkan kempen baharu dipanggil '*Inilah Masanya, Cuti-Cuti Malaysia*' untuk menggalakkan pelancongan domestik.


Seiring dengan itu, Tourism Malaysia juga meneruskan penganjuran program '*Jom Cuti-Cuti Malaysia (JCCM) Travel Fair*' yang menawarkan pelbagai pakej percutian, tambang dan tiket masuk pada harga yang berpatutan.

Tindakan kerajaan merancang pelancongan domestik secara tidak langsung dapat mengurangkan pengaliran wang keluar sekali gus membina kestabilan ekonomi negara untuk mendepani tempoh sukar yang dijangka berlaku pada tahun hadapan.

Dipetik dan diubah suai daripada Astro Awani  
'*Inilah Masanya*' Rancarkan Pelancongan Domestik, 2022

**PELANCONGAN DI MALAYSIA**

**PELBAGAI JENIS  
MAKANAN TEMPATAN**



**TEMPAT-TEMPAT  
MENARIK**



**KEPELBAGAIAN  
BUDAYA**

**Bahagian B**

[70 markah]

*Bahagian ini mengandungi empat soalan. Jawab satu soalan.*

*Tulis sebuah karangan yang panjangnya antara 350 hingga 500 patah perkataan.*

- 1 Jati diri merupakan ciri dalaman positif yang cukup universal. Usaha pemupukan jati diri harus dimainkan oleh pelbagai pihak. Sebaik-baiknya usaha ini bermula daripada ibu bapa memberikan didikan agama dan nilai murni yang kukuh sejak kecil. Aplikasi media sosial seperti Instagram dan TikTok harus menyediakan kandungan berbentuk dakwah dan didikan yang positif selain pihak kerajaan mengadakan kempen menghayati dan mengamalkan prinsip Rukun Negara.

Sumber: Dipetik dan diubah suai daripada  
'Jati Diri Pengukuh Patriotisme Remaja'  
Dewan Siswa, Ogos 2022

Berdasarkan petikan di atas, anda dikehendaki menulis sebuah rencana bertajuk 'Pemupukan Jati Diri dalam Kalangan Masyarakat'.

Tulis rencana tersebut selengkapnya.

- 2 Kecemerlangan bagi pelajar ialah suatu puncak yang tinggi dan gah untuk dicapai. Kebanyakan pelajar di Malaysia menganggap diri mereka ialah pelajar yang sederhana dan tidak cemerlang sedangkan mereka berupaya untuk menjadi yang terbaik dalam bidang yang diceburi. Sebenarnya mereka sendiri yang perlu menentukan sama ada hendak menjadi cemerlang, sederhana atau gagal. Kemahiran belajar yang betul, kebijaksanaan menguruskan masa dan menjaga hubungan yang baik antara kriteria yang membentuk kecemerlangan pelajar.

Sumber: Internet

Jelaskan ciri-ciri pelajar cemerlang.

- 3 Pendidikan keusahawanan perlu dipergiat sejak di bangku sekolah. Dalam jangka masa yang panjang, pendidikan keusahawanan yang direncanakan dengan baik membolehkan generasi masa depan menyerlahkan ciri kepimpinan, sentiasa berdaya saing dan bijak mengurus kewangan dalam mendepani cabaran global. Gabungan kesedaran dan minat keusahawanan yang kuat pasti menjadi bekalan berguna untuk mereka mengharungi dunia masa hadapan.

Sumber: Dipetik dan diubah suai daripada  
'Pergiat Program Keusahawanan Sejak di Bangku Sekolah'  
*Berita Harian Online, 16 Mac 2022*

Berdasarkan petikan di atas, huraikan faedah-faedah apabila pendidikan keusahawanan dipergiat sejak di bangku sekolah.

- 4 Usaha untuk mengekalkan keharmonian dan sikap saling menghormati dalam kalangan rakyat di rantau Asia Tenggara sememangnya menghadapi pelbagai kesukaran. Namun, keadaan ini dapat ditangani dengan usaha kerajaan yang menggalakkan pelibatan masyarakat dalam aktiviti serantau seperti sukan dan pendidikan pada peringkat antarabangsa.

Sumber: Internet

Bincangkan langkah-langkah yang perlu diambil untuk mengekalkan keharmonian dan sikap saling menghormati dalam kalangan masyarakat di rantau ini.

**KERTAS PEPERIKSAAN TAMAT**